



Republika e Kosovës
Republika Kosova – Republic of Kosovo
ORGANI SHQYRTUES I PROKURIMIT
TELO ZA RAZMATRANJE NABAVKE
PROCUREMENT REVIEW BODY



Organi Shqyrtues i Prokurimit (OSHP) – Rruga Migjeni (ish Banka e Ljublanës), Kati V-të, Prishtinë, Kosovë
Tel: 383 38 312 309 email: oshp@rks-gov.net

RAPORTI I EKSPERTIT SHQYRTUES

Eksperti Shqyrtues	Data e pranimit të ekspertit	Date e dorëzimit të raportit	Nr. i lëndës
Kreshnik Spahiu	24.06.2024	05.07.2024	2024/0516

BAZA LIGJORE E SHQYRTIMIT

Me datën: 15.06.2024, OE “Prishtina Auto L.L.C.” - Prishtinë, ka parashtruar ankesë me numër: 2024/0516, kundër njoftimit për dhënie të kontratës ku është rekomanduar për kontratë OE “ Ideal Shala B.I.”, lidhur me aktivitetin e prokurimit: “FURNIZIM ME AUTOBUSA PËR POLICINË E KOSOVËS - Ritender 1” me numër të prokurimit: "214-23-10050-1-1-1", iniciuar nga Autoriteti Kontraktues (AK) – POLICIA E KOSOVËS. AK ka zbatuar procedurë të hapur, lloji i kontratës: furnizim, vlera e parashikuar e kontratës: 1,200,000.00€.

Lidhur me këtë aktivitet të prokurimit është nxjerr një vendim i mëparshëm i OSHP- së, më numër 2023/0994 i datës 17.04.2024. Konform nenit 113, 114 të Ligjit Nr. 04/L-042, i plotësuar dhe ndryshuar me Ligjin 04/L-237, Ligjin 05/L- 068, dhe Ligjin 05/L-092, Eksperti Shqyrtues i ka shqyrtuar pretendimet ankimore të OE ankues.

DISPOZITAT E SHKELURA DHE PRETENDIMET ANKIMORE

Dispozitat e shkelura

LPP i Republikës së Kosovës nr. 04/L-042 i ndryshuar dhe plotësuar me Lgjin Nr. 04/L-237, Ligjin Nr. 05/L-068 dhe Ligjin Nr. 05/L-092.

Neni 1

Neni 4 pika 1.75

Neni 6

Neni 7

Neni 59

Neni 65 pika 1.3

RREGULLORE Nr.001/2022 PËR PROKURIMIN PUBLIK

Dosja e Tenderit (Numri i prokurimit: 214-23-10050-1-1-1)

Aneksi 6

Seksioni I. INFORMACIONE PËR TENDERUESIT

Përshtatshmëria e operatorëve ekonomik pika 6.1 nenpika C

Nenit 8 – Kriteret e përzgjidhjes pika 8.5 i udhëzuesit Nr. 001/2023.

Pretendimet akimore

Të nderuar,

Pas procedurës paraprake për zgjidhje të mosmarrëveshjeve bazuar në Nenin 108/A të LPP-së, ne, Operatori ekonomik "Prishtina Auto" L.L.C., pjesëmarrës në këtë aktivitet tenderik si palë e interesuar dhe i dëmtuar, parashtojme këtë ankesë për të dytën herë rradhazi në OSHP kundër vendimit të Autoritetit kontraktues Policia e Kosovës për aktivitetin tenderik me titull: "Furnizim me Autobusa për Policinë e Kosovës-Ritender1", me nr. të prokurimit: "214-23-10050-1-1-1".

Në vijim ju lutem na lejoni që ti prezentojmë pranë OSHP-së dëshmitë që haptazi konfirmojnë se edhe pas vendimit të OSHP-së me numër 2023/0994 të datës: 17.04.2024, AK ka bërë shkelje flagrante të LPP-së dhe rregullave të prokurimit publik që ne i prezentojmë në vijim:

1. AK me datë 02.05.2024 në kuptim të nenit 52.7 të LPP-së i drejtohet zyrtarisht me shkrim prodhuesit ku thekson, citoj:

On 07.11.2023, you issued a statement which says that it is from the manufacturer, please can you confirm the same to us, since in this statement there is no name of the responsible person and there is no signature.

Also, can you send us the manufacturers catalog (not a brochure) of the XML6121J bus model for which the statement states that it will be produced.

We thank you in advance and kindly ask that you reply as soon as possible.

Me date 07.05.2024, prodhuesi zyrtarisht i përgjigjet drejtpërdrejtë AK-së me deklaratë si në vijim, citoj:

Dear Sir :

We, Golden Dragon Bus as Manufacturer confirm that the documents you asked for are

VALID. and we fully support Kosovo Police via our distributor FroHan ApS regarding this procurement activity. Please find attached the documents and hereby we confirm that the busses will be produced and supplied according the Annex 1 - MANDATORY TECHNICAL SPECIFICATION.

Thank you !

Në vendimin e OSHP-së me numër 2024/0994 ndër tjerash theksohet, citoj:

me të drejtë eksperti shqyrtues ka konstatuar se katalogu i prodhuesit është dokument i cili vërtetohet se i njëjti ka ekzistuar edhe para hapjes se ofertave, sipas neni 10 i Udhëzuesit Nr.001/2023, për Prokurim Publik dhe me dispozitat e nenit 59 dhe 72 te LPP.Rrjedhimisht, Paneli Shqyrtues në kuptim të nenit 1, 6 dhe 7 të LPP, pretendimin ankimor ekualifikon si të bazuar dhe AK në fazën e ri-vlerësimit, në rast të dyshimit të deklarimeve dhe katalogjeve mund të fut në përdorim nenin 52.7 të LPP

2. AK haptazi nuk i është bind rekomandimeve të panelit shqyrtues të OSHP-së i cili në lëndën me numër të lartëcekur kjoartë ka sqaru, citoj:

Paneli shqyrtues, pas administrimit të të gjitha provave dhe fakteve në këtë procedurë të prokurimi, sqaron se e mbështet konstatim e eksperti shqyrtues i cili gjatë shqyrtimit të kësaj çështje i është referuar drejtë dispozitave ligjore, për faktin parimor se në cilin do format kërkesa e Dosjes së Tenderit dhe Njoftimit për Kontratë lidhur me gjatësinë është e përmbushur dhe deklarata e prodhuesit e mbulon ankuesin duke i vërtetuar deklaratimet e tij se ka ndodhur një gabim teknik dhe me të drejtë eksperti shqyrtues ka konstatuar se katalogu i prodhuesit është dokument i cili vërtetohet se i njëjti ka ekzistuar edhe para hapjes se ofertave, sipas neni 10 i Udhëzuesit Nr.001/2023, për Prokurim Publik dhe me dispozitat e nenit 59 dhe 72 te LPP. Rrjedhimisht, Paneli Shqyrtues në kuptim të nenit 1, 6 dhe 7 të LPP, pretendimin ankimor e kualifikon si të bazuar dhe AK në fazën e ri-vlerësimit, në rast të dyshimit të deklarimeve dhe katalogjeve mund të fut në përdorim nenin 52.7 të LPP.

AK nuk e ka respektuar këtë sqarim të OSHP-së sepse me datë 29.05.2024, nëpërmjet dokumentit B58 njoftim mbi vendimin e autoritetit kontraktues ku i njëjti na eliminon pa të drejtë nga ky aktivitet tenderik ndër tjerash në pikën 2 deklaron, citoj:

Ne ofertën e datës 19.10.2023 ka ofruar dimensionet e autobusit LxWxH 13340X2550X3700mm
Ndërsa me sqarimet e datës 07 nëntor 2023 ka ofruar dimensionet :12340 X 2550 X3700mm me arsyetimin qe është bere gabim teknik nga prodhuesi ku edhe sjelle nje deklarate. Do te thote ka ndryshim material i cili përcjellët me ndryshime te tjera.
Specifikacionet e ofruara nga OE te datës 19.10.2023

Overall Dimension	LxWxH: 13340 x 2550 x 3700 mm
-------------------	-------------------------------

Siç shihet kjoartë, AK nuk e ka respektu sqarimin e dhënë të OSHP-së sepse i njëjti deklaron se ka ndryshim materiali dhe kjo veçse është sqaruar nga OSHP prandaj si rezultat i kësaj, AK ka shkel Nenin 59 të LPP-së.

3. Se u shkel Neni 7 i LPP-së në mënyrë flagrante kjo nuk do koment. AK vazhdimisht na

diskriminon, nuk na trajton në mënyrë të barabartë me të tjerët dhe asesi nuk është transparent. Me të kuptuar që jemi eliminuar pa të drejtë nga pjesëmarrja e mëtutjeshme në këtë aktivitet tenderik, neve kemi bërë kërkesë për çasje në dokumentacion me datë 30.05.2024. Çasja na është mundur në të njëjtën ditë dhe ne kemi pas dyshime se nuk është respektuar sqarimi i OSHP-së i lëndës numër 2023/0994 që thekson, citoj: *konstatohet pretendimi i Ankuesit se autorizimi përmban të meta , jo sa i përket validitetit, por sa i përket përmbajtjes sepse përmes autorizimit, prodhuesi është distancuar nga të gjitha përgjegjësit dhe jo vetëm për shërbimet pas shitjes dhe furnizimit me pjesë, por edhe nga trajnimet, gjë që kjo bie ndesh pastaj me obligimet e OE i cili mund të jetë fitues dhe është i obliguar që kërkesat e vendosura tek specifikimi teknik tju përmbahet dhe ti realizoj me rastin e implementimit të kontratës. Andaj, Paneli Shqyrtues konsideron se në kuptim të nenit 7, trajtimit të barabartë të palëve në këtë procedurë gjatë fazës së ri-vlerësimit të kërkuar nga AK sqarime shtesë edhe për OE të rekomanduar për kontratë se si mendon ta realizon këtë kontratë, qoftë edhe me deklaratë të prodhuesit, me qëllim që mos të vij deri tek më e keqja, siç është problemet në realizim të kontratës dhe/ose ndoshta dështimi i saj.*

AK me datë 02.05.2024 i drejtohet me shkrim OE të rekomanduar për kontratë ku thekson, citoj:

Ne dosjen e tenderit Aneksi 1 janë të paraqitura kushtet si:

2. . Kompania fituese është e obliguar që në momentin e nënshkrimit të kontratës të na furnizon me : "Aparatur për diagnostifikim kompjuterik dhe CD (katalogun /programin) për pjesë rezervë" për modelin e autobusëve në fjalë.

Pajisja e kërkuar mund të jetë edhe një Laptop top ku është i instaluar programi aktual , nuk kemi kërkuar përditësim të mëvonshëm të programit (kjo mund të bëhet në baza vullnetare)

3. Kompania fituese është e obliguar që të bëjë trajnimin e së paku dy mekanikëve të autoritetit kontraktues.Obligative .

Ju lutemi të na e dërgoni një deklaratë lidhur me kushtet si dhe të na ofroni sqarime se si do ta realizoni pikat si më lart ?

OE i rekomanduar për kontratë me datë 06.05.2024 përgjigjet me shkrim si në vijim, citoj:

2. . Npsh Allmakes Global Services deklaron se nese kompania jone eshte fituese në momentin e nënshkrimit të kontratës do te furnizojë me "Aparature për diagnostifikim kompjuterik dhe CD(katalogun/programin)për pjesë rezervë" për modelin e autobusëve në fjalë. Paisja e kërkuar do te jete Laptop ku eshte i instaluar programi ose diagnoze kompjuterike adekuate per modelin e ofruar .

3. Npsh Allmakes Global Services deklaron se nese kompania jone shprehehet me kontrate per projektin ne fjale do te beje trajnimin e se paku dy mekanikeve te AK-Policia e Kosoves .


Te bashkangjitur i keni edhe deklaratat te cilat jane dorezuar me daten 19.10.2023

Edhe pse OE nëpërmjet sqarimeve shtesë përsëri dështon që të prezentojë atë se si mendon të realizojë këtë kontratë në pajtim me atë që ceket nga OSHP, qoftë edhe me deklaratë të prodhuesit, me qëllim që mos të vij deri tek më e keqja, siç është problemet në realizim të kontratës dhe/ose ndoshta dështimi i saj. Thjesht OE i rekomanduar për kontratë i ka bërë copy-paste deklaratat të cilat i ka dorëzuar me datën 19.10.2023, prandaj i njëjti nuk i plotëson kushtet për të qenë i përgjegjshëm, për më tepër, AK nuk ka shancë që të anashkalojë Nenin 1 të LPP-së dhe Aneksin 6 të DT-së që thekson kjo se kriteret për dhënie të kontratës është çmimi më i ulët që në këtë rast është kompania jonë Prishtina Auto L.L.C.

4. Ne mbetemi mrapa pretendimeve tona të cekura në ankesën e datës 03.12.2023, respektivisht pika VIII që kemi deklaruar se arsyeja se përse tentohet nga AK që kompania jonë të eliminohet pa të drejtë nga pjesëmarrja në këtë aktivitet tenderik shpie si pasojë e ndikimit të personave zyrtar pranë AK-së që i njëjti aktivitet tenderik ti shpërblehet për dhënie të kontratës një OE i cili ka lidhje familjare me personin zyrtar të Policisë së Kosovës më saktësisht me drejtorin e prokurimit, prandaj kemi pasur edhe në të kaluarën dëshmi që personi zyrtar në fjalë ka qenë i përfshirë në konflikt-interesi. Sipas OSHP-së, citoj: *Edhe pse pas shikimit të shkresave AK në përgjigje ndaj raportit të ekspertit shqyrtues ka njoftuar OSHP se personi në fjalë ishte tërhequr nga zhvillimi dhe vlerësimi i kësaj procedure të prokurimit.*

Në dokumentin B58, njoftimin për vendimin e autoritetit kontraktues, ku jemi njoftuar që jemi eliminuar nga pjesëmarrja në aktivitetin tenderik në fjalë, është pikërisht i njëjti person që ka lidhje familjare me OE të rekomanduar për kontratë dhe i njëjti zyrtar ka qenë edhe paraprakisht i përfshirë në këtë vendim, shikoje në vijim:

Policia e Kosovës shpërblen me kontratë OE" Ideal Shala "B.I. Parku i Biznesit Drenas, Drenas
në vlerë totale 1,188,850.00€

Data: 29.05.2024
Për
Emri dhe mbiemri i ZPP: ARTAN ROSHTA


Ne pajtohem me sqarimin e OSHP-së i cili thekson, citoj:

Ne do të bëjmë të pamundurën që të gjithë ata persona zyrtar të cilët kanë qenë dhe janë të implikuar në këtë aferë korruptive e ku si pasojë e kanë dëmtu rëndë kompaninë tonë, të japin përgjegjësi tek organet kompetente që janë mbikëqyrëse të Ligjit 06/L-011 për parandalimin e konfliktit të interesit në ushtrimin e funksionit publik dhe se në rastin në fjalë do të mirret edhe IPK-ja.

Në vazhdim ju lutem na lejoni që ti sqarojmë edhe pretendimet e pabaza të AK-së që ndërliken me vendimin për refuzim për rishqyrtim të datës 06.06.2024 që AK pa të drejtë e klasifikon kërkesën tonë për rishqyrtim si të pabazuar. Në vazhdim ju prezentojmë faktet.

AK në dokumentin në fjalë deklaron:

Pretendimet se AK ka shkelur nenin 1 Qëllimi të LPP-ës, nuk qëndron pasi AK, sqaron se në mënyrë me të drejt dhe efikase të shfrytëzimit të fondeve publike, duke publikuar njoftimin për kontratë me procedure të hapur duke mos diskriminuar ose favorizuar asnjë OE, për këtë aktivitet të prokurimit. AK ka siguruar integritetin dhe përgjegjësinë e zyrtarëve publik, nëpunësve civil dhe personave të tjerë që kanë kryer aktivitetin të prokurimit dhe që vendimet e individëve të tillë dhe baza ligjore e faktike për vendimet e tilla, të mos ndikohen nga interesat personale, të karakterizohet me jo-diskriminim. Këta persona zyrtarë që kanë kryer aktivitetin e prokurimit, janë sjellë duke ndjekur parimin e shfrytëzimit sa më efikas, me kosto ekonomike, transparent dhe të drejtë të fondeve dhe burimeve publike duke iu përmbajtur rreptësisht procedurave dhe kushteve qenësore të këtij ligji. Komisioni i vlerësimit ka bërë vlerësimin e ofertave konform kërkesave të dosjes së tenderit dhe njoftimit për kontratë dhe ka rekomanduar për kontratë OE që i ka plotësuar të gjitha kriteret e kërkuara në dosjen e tenderit dhe në njoftimin për kontratë. Ndërsa Oferta e juaj është e pa përgjegjshme pasi që nuk i keni plotësuar të gjitha kriteret e kërkuara në dosjen e tenderit, njoftimin për kontratë si dhe Aneksin 1 Specifikacionet teknike të detyrueshme. Pretendimi juaj është i pa bazuar.

Ne mbetemi mrapa pretendimeve dhe deklaratave tona se AK asesi nuk e ka respektuar Nenin 1 të LPP-së. Kjo për arsye të cekur në pikën 3 të lartëshënuar. Për më tepër, AK pa të drejtë merr vendim për dhënie të kontratës një OE i cili bazuar në pikën e lartëcekur me numer 3, nuk është i përgjegjshëm dhe nuk i plotëson kushtet siç AK pretendon. Në vazhdim, AK poashtu deklaron:

Ne lidhje me pretendimin se AK ka shkelur nenin 6 të LPP, nuk qëndron pasi AK, të gjitha autoritetet kontraktuese, janë të obliguara që të sigurojnë që fondet publike dhe burimet publike të përdoren në mënyrën më ekonomike, njëkohësisht duke marrë në konsideratë qëllimin dhe lëndën e prokurimit. Ne këtë aktivitet të prokurimit Autoriteti kontraktues duke marrë në konsideratë qëllimin dhe lëndën e prokurimit fondet publike i ka përdorë në mënyrën ekonomike pasi që Operatori Ekonomik i rekomanduar për kontratë i ka plotësuar të gjitha kriteret e kërkuara në dosjen e tenderit si Tender i përgjegjshëm me Çmimin më të ulët, ndërsa oferta e Juaj nuk i ka plotësuar të gjitha kriteret e kërkuara në dosjen e tenderit, njoftimin për kontratë dhe specifikacionet teknike të detyrueshme prandaj, oferta e Juaj është eliminuar si ofertë e pa përgjegjshme. Pretendimi juaj është i pa bazuar.

Se është shkelur Neni 6 i LPP-së, kjo nuk diskutohet sepse haptazi është shkelur Neni 6 dhe jo vetëm. AK nuk deklaron të vërtetën sepse i njëjti nuk i shfrytëzon mjetet publike në mënyrën më ekonomike dhe transparente sepse bazuar në raportin e hapjës së tenderit rezulton se operatori ekonomik "Prishtina Auto" L.L.C., është ajo me çmimin më të ulët dhe poashtu i përgjegjshëm.

Deklarata e AK-së në vijim:

Pretendimet se AK ka shkelur nenin 7 Barazia në Trajtim/ Jo- Diskriminimi të LPP-së, nuk qëndron pasi AK, sqaron se Autoriteti kontraktues do të trajtoj operatorët ekonomik në mënyrë të barabartë dhe jo- diskriminuare dhe do të veprojë në mënyrë transparente, ku të gjithë Operatorët Ekonomik pjesëmarrës në këtë aktiviteti i ka trajtuar të barabartë. Po ashtu AK, sqaron se gjatë udhëheqjes së aktiviteteve të prokurimit, të gjitha autoritetet kontraktuese do të sigurojnë: vi) që tenderi i zgjedhur të përputhet me të gjitha aspektet përmbajtjesore të kushteve, kriterëve dhe specifikimeve përkatëse pasi që oferta e rekomanduar për kontratë i plotëson të gjitha kriteret e kërkuara në dosjen e tenderit dhe në njoftimin për kontratë. Andaj, Komisioni i vlerësimit ka bërë vlerësimin e ofertave konform kërkesave të dosjes së tenderit, njoftimit për kontratë, specifikacioneve teknike të detyrueshme të kërkuara në dosjen e tenderit Aneksi 1 si dhe ka rekomanduar për kontratë OE që i ka plotësuar të gjitha kriteret e kërkuara në dosjen e tenderit dhe në njoftimin për kontratë. Andaj, komisioni i vlerësimit të ofertave të gjithë ofertuesit duke ju përfshirë edhe juve si ankues ju kanë trajtuar të barabartë dhe nuk ju kanë diskriminuar sipas LPP-së. Andaj, oferta e juaj është e pa përgjegjshme pasi që nuk i keni plotësuar të gjitha kriteret e kërkuara në dosjen e tenderit Aneksin 1 Specifikacionet teknike të detyrueshme. Pretendimi juaj është i pa bazuar.

Nuk qëndron sepse gjatë tërë ecuresë së këtij aktiviteti tenderik kemi pasur diskriminim, jo trajtim të barabartë me OE tjerë pjesëmarrës dhe asesi nuk ka pas transparencë nga AK. Për më tepër, Aneksi 1, specifikacionet teknike të detyrueshme janë 100% të plotësuara nga prodhuesi ynë, kjo është vërtetë gjithnjë nga prodhuesi ynë dhe sëfundi është konfirmuar përsëri me shkrim përmes shkresës zyrtare nga vet prodhuesi drejtuar AK-së me datë 07.05.2024. (Dëshmitë i gjeni të bashkangjitur me ankesë). Prandaj pretendimet e AK-së janë të pabaza dhe jo profesionale marrë parasysh këtu se i njëjti anashkalon edhe sqarimin e OSHP-së i cili kjo është deklaruar në lidhje me këtë pretendim.

Pretendimi i radhës i AK-së:

Pretendimet se AK ka shkelur nenin 59 të LPP-së, nuk qëndron pasi AK, sqaron se nuk ka bërë shkelje të këtij neni pasi që vlerësimi i ofertave është bërë në harmoni me Ligjin e Prokurimit Publik, konforme kriterëve të kërkuara në dosjen e tenderit, njoftimin për kontratë, specifikacioneve teknike të detyrueshme dhe ka rekomanduar për kontratë OE që i ka plotësuar të gjitha kriteret e kërkuara në dosjen e tenderit, njoftimin për kontratë duke rekomanduar OE si Tender i përgjegjshëm me Çmimin më të ulët. Andaj, oferta e juaj nuk i ka plotësuar të gjitha kriteret e kërkuara në dosjen e tenderit, njoftimin për kontratë dhe specifikacionet teknike të detyrueshme prandaj, oferta e Juaj është eliminuar si ofertë e pa përgjegjshme. Ne vijim do të keni përgjigjet lidhur me pretendimet e juaj.

Nuk qëndron asesi sepse haptazi është shkelur Neni 59 i LPP-së dhe kjo haptazi shihet.

AK pa të drejtë na ka eliminu nga ky aktivitet tenderik dhe pa të drejtë merr vendim për dhënie të kontratës një OE i cili bazuar në pikën e lartëcekur 3 nuk është i përgjegjshëm.

Pretendimi i rradhës i AK-së:

1. Sa i preket pretendimit ne piken 1 ne nuk pajtohemi sepse ju ofrojmë dëshminë se ne ofertën e dorëzuar me date 19/10/2023 ju keni dorëzuar specifikacionet teknike si ne vijim

1	Color type : White/Metallic gray color is allowed - equivalent to the metallic gray color of the patrol cars.	Compliant; White/Metallic	
---	---	---------------------------	--

Pas kërkesës për sqarimet ju me date 08/11/2023 jeni përgjigjur duke ngarkuar ne Eprokurimi përgjigjet si dëshmi/dokument si me poshtë

Bus Color

Nga fotoja e sipërme shihet e qarte që ju me katalog e keni ofruar vetëm ngjyrën e bardhë ndërsa ndërsa ne specifikacionin teknike të ofruar nga ju me datën 19/10/2023 ju keni bërë ndryshim të ngjyrës se është ndryshim material pasi që është kërkuar Lloji I ngjyrës: E bardhë/ngjyra e hirit metalike – ekuivalente me ngjyrën e hirit metalike që posedojnë veturat patrulluese.

Nuk qëndron asesi sepse ne nuk e kemi ndryshuar asnjëherë ngjyrën. Në cilëndo kërkesë për sqarime qoftë me date 08/11/2023 apo 19/10/2023 gjindet ngjyra e njejtë e bardhë/White. Për më tepër, sa i përket këtij pretendimi të pabazë, ne kemi kërkuar nga AK që të na nënvizojë me fakte se ku kemi deklaruar që e kemi cekur ngjyrën e hirit ashtu siç i njejtë ka pretendu se e kemi bërë, për këtë nuk ka dhënë përgjigje asnjëherë. Poashtu vlen të cekët se përse këtë pretendim dhe ato tjerat në vijim asnjë nuk i ka potencu kur është ballafaqu me OSHP-në gjatë fazes shqyrtuese të lëndës me numër 2024/0994 mirëpo tani tenton që të kategorizojë ofertën tonë si të papërgjegjshëm duke vepruar me shpifje të niveleve të ulëta kinse nuk jemi të përgjegjshëm, kjo sjellje e AK-së është përkeqardhje!. Sa i përket pretendimit të rradhës si në vijim:

2. Ne ofertën e dorëzuar me datën 19.10.20203 ju keni ofruar dimensionet e autobusit LxWxH 13340x2550x3700mm siaps aneksis 1 te specifikacionet teknike si me poshtë

6	Length (m): min 9,150	Compliant; 13340 mm
---	-----------------------	------------------------

si dhe sipas katalogut si ne vijim

Overall Dimension	LxWxH: 13340 x 2550 x 3700 mm
-------------------	-------------------------------

Ndërsa gjate fazës se vlerësimit te ofertave është kërkuar sqarime shtesë dhe ne përgjigjet e ngarkuara nga ana e juaj me datë 08/11/2023, është vërejtur qe keni bere ndryshimin e dimensionit te gatesuse për pozicionin nr. 6 te aneksi 1 i specifikacioneve teknike si ne vijim;

6	Length (m): min 9,150	Compliant; 12340 mm
---	-----------------------	------------------------

si dhe sipas katalogut si ne vijim

General Data / Dimensions / Chassis

Length/Width/Height (mm)	12340 mm x 2550 mm x 3700 mm
--------------------------	------------------------------

Nga fotoja e sipërme shihet e qarte qe ju me specifikacionet teknike aneksi 1 dhe ne katalog keni ofruar me dimensione LxWxH 13340x2550x3700mm ndërsa pas sqarimeve shtese keni ofruar 12340 X 2550 X3700mm te përshkruara ne specifikacionin teknike Aneksi 1 si dhe ne katalog andaj ju keni bere ndryshim ne gjatësinë e autobusit qe është ndryshim material.

Ky pretendim është tërësisht e pabazuar, ju lutem referoju pikës së lartëshënuar numer 2. Nuk kemi çfarë të deklarohe mi në këtë rast, OSHP e ka dhënë fjalën e fundit në lidhje me këtë pretendim të pabazuar të AK-së i cili edhe shihet kjo qarte që nuk i bindet fare sqarimit dhe vendimit të OSHP-së.

Në lidhje me pretendimin e AK-së në vijim:

3. Pozicioni 13 Sipas Aneksit 1 specifikacionet teknike te detyrueshme te DT është kërkuar

Modelit I ndërruesit: manual ose automatik(3 vite garancinë)

Ne ofertën e juaj te dorëzuar me datë 19.10.20203 keni ofruar si ne vijim

Transmission	ZF 6 gears automatic
--------------	----------------------

Ndërsa pas kërkesë për sqarime shtese ju keni ngarkuar ne eprokurim përgjigjet me datën 08/11/2023 duke ofruar katalogun si ne vijim

Transmission	Automatic shift gear
--------------	----------------------

Nga fotoja e sipërme shihet e qarte qe ju me specifikacionet teknike aneksi 1 dhe ne katalog keni ofruar ZF 6 gear automatic ndërsa pas sqarimeve shtese keni ofruar Automatik shift gear andaj ju keni bere ndryshim ne transisionit qe është ndryshim material.

Nuk është e vërtetë që ne kemi bërë ndryshim material. Kjo nuk pranohet në asnjë mënyrë. Kriteri në fjalë gjithmonë është ofruar i njejtë. Ne kemi ofruar ndërrues të shpejtësisë në përputhje të plotë me Aneksin 1 të DT i cili është ndërrues automatik dhe kjo mbetet gjithmonë dhe nuk ndryshon asnjëherë prandaj pretendimi juaj është totalisht i pabazuar.

Pretendimi tjetër i radhës i AK-së në vijim:

4. Pozicioni 19 sipas Aneksit 1 specifikacionet teknike te detyrueshme te DT është kërkuar Sistemi I drejtimit: Servo Hidraulik

Ne ofertën e juaj te dorëzuar me datë 19.10.2023 ju keni ofruar si ne vijim

Steering system	Bosch Power steering
-----------------	----------------------

do te thotë qe keni ofruar Timon me energji elektrike

Ndërsa pas kërkesë për sqarime shtese ju keni ngarkuar ne eprokurim përgjigjet me datën 08/11/2023 duke ofruar katalogun si ne vijim

Hydraulic system	Servo hydraulic system fitted
------------------	-------------------------------

Nga kjo shihet se keni ofruar Servo Hidraulik

Nga fotoja e sipërme shihet e qarte qe ju me specifikacionet teknike aneksi 1 dhe ne katalog keni ofruar Bosch Power steering ndërsa pas sqarimeve shtese keni ofruar Servo Hydraulic system fitted andaj ju keni bere ndryshim ne hydraulic system qe është ndryshim material.

Është i pabazuar sepse nuk ka pas asnjëherë dhe as që kemi ndryshim material edhe tani. Kjo sepse gjithnjë edhe para hapjës së tenderit edhe pas sqarimeve shtesë ka qenë specifika e njëjtë. Ne kemi aplikuar me timon servo i sistemit hidraulik në përputhje me Aneksin 1 të DT. Kështu ka qenë dhe kështu do të mbetet prandaj nuk është e vërtetë që kemi ndryshim material këtu, kjo është pretendim i nivelit të ulët dhe për keqardhje se si tenton AK të manipulojë me këto pretendime.

Sa i përket pretendimit në vazhdim:

5. Pozicioni 15-16 është kërkuar ne Aneksin 1 te specifikave teknike te detyrueshme te DT si me poshtë

15.Sistemi I amortizimit për aksin e parë duhet të jetë me amortizator, dhe jastëk me ajër.

16.Sistemi I amortizimit për aksin e pasmë duhet të jetë me amortizator, dhe jastëk me ajër.

Ne ofertën e juaj te dorëzuar me date 19.10.2023 OE keni ofruar si me poshtë

Suspension	Air suspension for all axles
------------	------------------------------

Ndërsa ne kërkesën për sqarime shtese te kërkuar me date 08.11.2023 OE ka ofruar si me poshtë

front air damping system shock absorber and airbag	fitted
rear air damping system shock absorber and airbag	fitted

Në katalogun e dërguar te dates 07.11.2023 nuk deshmon qe sistemi i amortizimit duhet te jete me amortizator por vetem me ajer behet pezullimi andaj OE nuk e ploteson kete specifikacionet teknike te kerkuara ne Aneksin 1.

Është totalisht e pavërtetë që nku e plotësojmë këtë specifikacion teknik të kërkuar në Aneksin 1. Fitted i bije që kërkesa në fjalë është i pajisur me autobus dhe është qesharake pretendimi i AK-së sepse i njëjti edhe vet nuk e din se çfarë pretendon sepse jo që i mungon përvoja por me pretendime të tilla tenton të na cilësojë si të papërgjegjshëm, Nuk kemi çfarë të komentojmë më tepër për pretendime të tilla qesharake e joprofesionale. Në lidhje me pretendimin e AK-së në vijim:

6. Pozicioni 17 është kërkuar në Aneksin 1 të specifikave teknike të detyrueshme të DT është kërkuar Sistemi i frenimit: min ABS

Në ofertën e juaj të dorëzuar me datë 19.10.20203 në specifikacionin teknike aneksi 1 ju keni ofruar si në vijim

17	Braking system: min ABS	Compliant
----	-------------------------	-----------

si dhe sipas katalogut si në vijim

Brake system Full disk brake with Wabco EBS

Ndërsa pas kërkesës për sqarime shtese ju keni ngarkuar në eprokurim përgjigjet me datën 08/11/2023 duke ofruar katalogun si në vijim

ABS / Anti lock braking systems	Fitted
---------------------------------	--------

Nga fotoja e sipërme shihet e qarte që ju prezantoni si ABS i inkorporuar dhe bëni ndryshimin nga EBS në ABS pas sqarimeve të kërkuara, andaj ju keni bërë ndryshimin nga EBS në ABS që është ndryshim material.

E kemi bërë të qartë edhe paraprakisht në kërkesën për rishqyrtim se EBS dhe ABS janë një sistem dhe që të dyja bashkarisht janë të pajisura me autobus. Për të bindur AK-në me fakte sa i përket kësaj çështjeje, ne e kemi përfshirë edhe katalogun e prodhuesit të OE të rekomanduar për kontratë e cila shihet si në vijim:

Brake System	
Front / Rear System	Disc / Disc Full Air Brake System With ABS and EBS.

Nga kjo që shihet më lartë, konfirmohet kjo që ABS and EBS që do të thotë të ABS dhe EBS. Pothuajse të çdo autobus të dyja ofrohen si paisje standarde sepse kanë të bëjnë me siguri të frenimit dhe asesi nuk pranojnë dhe nuk është e vërtetë që kemi ndryshim material, edhe para hapjes së tenderit ka egzistuar dokumenti i cili është i njëjtë me atë që AK e cilëson në përgjigjet e datës 08.11.2023.

Po e potencojmë edhe pretendimin e radhës të AK-së si në vijim:

7. Pozicioni 20 është kërkuar në Aneksin 1 të specifikave teknike të detyrueshme të DT është kërkuar - Pajisjet standarde minimale; Xhamat e dyfishtë, perdet, felle standarte, mbrojtëset nga dielli para, ulësja ndihmëse, radio CD, mikrofonin për informimin e pasagjerëve, drita për mjegull, tepihat e dyshemesë, **paranxëmje (vebstator),**

Në ofertën e juaj të dorëzuar me datë 19.10.20203 në specifikacionin teknike aneksi 1 ju keni ofruar si në vijim

20	Minimal standard equipment: . Double glazed windows, curtains, standard rims, sun protection in front, additional seat, Radio CD, microphone to inform passengers, fog lights, floor carpets, pre-heat.	Compliant
----	---	-----------

si dhe sipas katalogut si në vijim

Heat system Passenger heat system with 4 Radiators

Ndërsa pas kërkesës për sqarime shtese ju keni ngarkuar në eprokurim përgjigjet me datën 08/11/2023 duke ofruar katalogun si në vijim


Pre-Heat	Fitted
----------	--------

Do të thotë që ju në ofertën e juaj keni ofruar mundësi të nxehjes me radiator (4 radiator) po nuk keni ofruar para nxemjes ashtu siç është kërkuar në Aneksin 1 specifikacionet teknike të detyrueshme në kërkuara në dosjen e tenderit.

Nuk pajtohem me pretendimin e AK-së i cili deklaron se nuk kemi ofruar para nxemje që në treg quhet Webasto. Kjërtë në Aneksin 1 theksohet me termin „Fitted“ që do të thotë paisja në fjalë është i pajisur me autobus. Siç jemi deklaruar më lartë, si dëshmi dokumenti Aneksi 1 ka egzistuar edhe para hapjës së ofertave dhe vlen të theksohet poashtu që edhe prodhuesi ka deklaruar qoftë edhe në deklarata të DT-së poashtu edhe në shkresa elektronike zyrtare se në tërësi përmbushet Aneksi 1 i DT-së. Por AK nuk i ka marrë parasysh asnjëherë këto të dhëna dhe si pasojë e kësaj shkel Nenin 1 dhe 7-të të LPP së.

Në lidhje me pretendimin e AK-së:

Në katalogun si foto e ofruar nga ana e juaj vërehen disa elemente që bien ndesh me pretendimet e juaj si me poshtë:



Në foton e marrë një pjesë nga katalogu nuk ka dëshmi që ky autobusë ka para nxemje por vetëm komandën e AC.

Ne deklarojmë se para nxemje i cilësuar si vebasto është sistem i ngrohjes i cili aktivizohet automatikisht kur kemi temperatura të ulëta si përshembull në stinën e dimrit. Në momente që temperaturat kalojnë -0 atëherë automatikisht aktivizohet sistemi në fjalë që mundëson që të kemi ngrohje paraprake. Për më tepër edhe në katalogun e prodhuesit të OE të rekomanduar për kontratë funksionon ngjajshëm vebasto si në çdo autobus tjetër prandaj pretendimi i AK-së është në tërësi i pabazuar.

Poashtu në lidhje me pretendimin në vijim:

Dëshmia egziston në broshurë, prodhuesi e cek që brendi i sistemit të klimatizimit është "Sutruck" e jo siç AK potencon "Songz". AK sigurisht që këtë e ka marrë nga ndonjë model i autobusit që nuk i përket modelit që ne e kemi ofertuar prandaj për të përmbyll këtë pretendim të pabazë i AK-së, ne ju themi se vet prodhuesi përmes shkresës zyrtare të drejtuar tek AK kur i njeiti ka kërkuar verifikim të deklaratës së prodhuesit i cili ka deklaruar se dokumentet janë VALIDE dhe se përmbushet në tërësi Aneksi 1. Ju nuk mundeni të pretendoni diçka ndryshe nga ajo që realisht është e cekur nga vet prodhuesi në broshurë sepse ju nuk jeni prodhues por autoritet kontraktues prandaj ky pretendim është i pabazuar. Shto këtu faktin edhe se AK mundet të kërkojë konfirmim me shkrim drejtpërdrejt tek prodhuesi jo vetëm për këtë çështje por për çfarëdo që AK-së i intereson!. Pretendimi i rradhes i AK-së:

Ne foto te ofruar nga ju ne specifikacionin teknike keni deklaruar qe automjeti është automatik

13	Shift gear model: manual or automatic(3 years warranty)	Compliant; Automatic shift gear
----	---	------------------------------------

Transmission Automatic shift gear

Ndërsa ne katalog ju e keni ofruar automjetin ndërruesin e shpejtësisë manual për me tepër Shih ne foto me poshtë



Sipas dëshmisë katalogut te dorëzuar pas sqarimeve shtese e ngarkuar ne eprokurim me datën 08/11/2023 fotoja e shkëputur nga ky katalog vërehet se ky autobus është manual ndërsa ne ofertën baze te datës keni theksuar se është autobus automatike andaj, ju keni bere ndryshim material. Sipas nenit 59 pika 2 te LPP-se, Autoriteti kontraktues mundet që me shkrim të kërkojë nga një tenderues që të sigurojë një sqarim me shkrim mbi cilindo nga aspektet e tenderit të tij, në mënyrë që të bëhet ekzaminimi, vlerësimi ose krahasimi i tenderëve. Asnjë ndryshim material dhe asnjë aspekt i tenderit nuk duhet të kërkojen ose pranohen nga autoriteti kontraktues ose të ofrohen nga një tenderues. Andaj oferta juaj refuzohet pasi që kemi ndryshim material. Po ashtu oferta e juaj është e pa përgjegjshme pasi qe nuk i plotëson specifikacionet teknike te detyrueshme ashtu siç janë kërkuar ne dosjen e tenderit Aneksi 1.

Në linjën 13 kuartë cekët që ndërruesi i shpejtësisë duhet të jetë Manual ose Automatik me 3 vite garancion. Ne kemi deklaruar se ofrojmë ndërrues të shpejtësisë Automatik. Kështu ka qenë në Aneksin 1 të DT-së para hapjës së ofertave dhe në çdo dokument të mundshëm është e njëjta vlerë pra automatik. Përpos fotos së cekur nga AK, në katalog është edhe foto e ndërruesit automatik por AK nuk e ka potencu edhe këtë fakt prandaj shikoje në vijim:



Asesi jo vetëm në këtë pretendim të AK-së por në ofertën tonë nuk ka ndryshim material përpos që ne e kemi paralajmëruar AK-në në lidhje me linjën numër 6 që ka pas gabim teknik

dhe për këtë edhe egziston vendimi i OSHP-së i cili e vulos këtë pretendim që ka pas gabim teknik shtypi dhe e ftojmë AK-në që të ndalet me këto deklarata jo të vërteta sepse çdo herë vetem po del ma jo serioz dhe jo profesional. Po e cekim pretendimin e fundit të AK-së:

Sa i përket pretendimin lidhur me sqarimin me OE të rekomanduar për kontratë nuk qëndron pasi që ne kemi kërkuar sqarime për të ri konfirmuar se si do të bëje implementimin e kontratës për ikat që janë pjesë e Aneksit 1 të dosjes së tenderit. Pretendimi juaj është i pa bazuar.

Andaj Vlerësimi dhe Krahësimi i Tenderëve është bërë në përputhje të plotë me Ligjin e Prokurimit Publik dhe akteve tjera ligjore.

Është vërejtë kjo se OE i rekomanduar për kontratë nuk ka dhënë asnjë sqarim profesional se si do të implementojë kontratën në fjalë, siç kemi deklaruar më lartë në pikën 3. Pretendimi i AK-së është i pabazuar dhe vlerësimi dhe krahasimi i tenderëve nuk është bërë në asnjë mënyrë në përputhje të plotë me Ligjin e Prokurimit Publik dhe akteve tjera ligjore. **Me nënshkrimin dhe vulosjen e deklaratës nën betim nga OE i rekomanduar për kontratë shpie drejt shkeljes së Nenit 8 – Kriteret e përzgjedhjes pika 8.5 i udhëzuesit Nr. 001/2023 për prokurimin publik.**

Ne kërkojmë nga OSHP që ti aprovojë kërkesat tona ligjore në vijim:

1. Të mirret përbazë lënda e OSHP-së me numër 2023/0994 e datës 17.04.2024.

2. Të hyjë në fuqi Neni 105 i LPP-së pika 2.16. që thotë, citoj:

Në rastet e përsëritura me pretendimet e njëjta ankimore, kur objekti i kontestit dhe palët janë të njëjta, për raste të cilat janë shqyrtuar më parë, kryetari i panelit shqyrtues duhet të trajtoj si çështje të gjykuar "res judicata".

3. Kërkojmë nga OSHP që lënda në fjalë të kthehet në ri-vlerësim.

4. Kërkojmë nga OSHP që të fus në funksion pikën IV të vendimit të panelit shqyrtues që thekson, citoj:

Autoriteti Kontraktues në afat prej 10 ditësh duhet ta informoj me shkrim Panelin Shqyrtues për të gjitha veprimet e ndërmarra lidhur me këtë aktivitet të prokurimit.

5. Kërkojmë nga OSHP poashtu që të jetësojë edhe pikën V të vendimit të panelit shqyrtues që thekson, citoj:

Mos respektimi i këtij vendimi, detyron Panelin shqyrtues që konform dispozitave ligjore të nenit 131 të Ligjit për Prokurim Publik të Kosovës nr. 04/L-42, i plotësuar dhe ndryshuar me Ligjin 04/L-237, Ligjin 05/L-068 dhe Ligjin 05/L-092, të ndërmarr masa ndaj Autoritetit Kontraktues.

Meqenëse pika e lartëcekur 3.4 dhe 3.5 kanë munguar në vendimin e OSHP-së me numër 2023/0994, ne kërkojmë nga OSHP-ja që përmes këtyre pikave në fjalë ta obligojë AK-në që

të raportojë Organin shqyrtues për të gjitha hapat e marra për këtë aktivitet tenderik në mënyrë që sëpari OSHP-ja të jetë në dijeni rreth të gjitha veprimeve që do të ndërmerren në të ardhmen nga AK sa i përket këtij aktiviteti tenderik.

KRITERET PËR VLERËSIM

Përshtatshmëria profesionale

- Kërkesa c) - Autorizimi nga prodhuesi ose Distributori i autorizuar i Prodhuesit për shitje(me titull dhe nr. Prokurimit të projektit në fjalë, në kohëzgjatje të kontratës prej 36 muaj),
- Dëshmia c) - Autorizimi nga prodhuesi ose Distributori i autorizuar i Prodhuesit për shitje(me titull dhe nr. Prokurimit të projektit në fjalë, në kohëzgjatje të kontratës prej 36 muaj)

Kapaciteti teknik dhe profesional

- Kërkesa 1 - Katalog nga prodhuesi me përshkrim të detajuar të karakteristikave teknike, me të cilën është e mundur vlerësimi i specifikacioneve teknike ofruara.
- Dëshmia 1. Katalog nga prodhuesi.

Aneksi 1 - Specifikimet Teknike të Detyrueshme

RAPORTI I KOMISIONI VLERËSUES

Komisioni i vlerësimit pas ekzaminimit, vlerësimit, negocim të ofertave për këtë aktivitet i prokurimit, konstatohet se për këtë projekt janë pranuar katër(4) oferta.

Dy (2) OE: Grup i Operatoreve Ekonomik PRICOM SH.P.K.; EMPREUS SH.P.K. dhe "KOSOVA MOTORS GROUP " SH.P.K. nuk kanë here vazhdimin e vlefshmërisë së tenderit dhe Sigurimit të ofertës andaj nuk janë trajtuar.

Komisioni vlerësues rekomandon OE "Ideal Shala B.I"., sepse i plotëson të gjitha kriteret e kërkuara në dosje të tenderit si dhe çmimi me i ulët si oferte e përgjegjshme.

INFORMACIONET SHITESË TË MARRA ME ANË TË SQARIME TË KËRKUARA NGA EKSPERTI SHQYRTUES/TEKNIK

Nuk ka.

VLERËSIMI SIPAS NENIT 4.1.26 TË LPP

N/A

VENDIMET E MËPARSHME TË OSHP LIDHUR ME RASTET E NGJASHME

Lidhur me këtë aktivitet të prokurimit është nxjerr një vendim i mëparshëm i OSHP- së, më numër 2023/0994 i datës 17.04.2024.

ARSYETIMI PËR DEVIJIM NGA PRAKTIKA E MËPARSHME

N/A

PËRGJIGJE NË PRETENDIMET ANKIMORE TË OE ANKUES - " **Prishtina Auto " L.L.C.**

Sqarim hyrës:

Parashtruesi i ankesës – (OE) "Prishtina Auto" L.L.C. (më tej OE ankues) ka dorëzuar kërkesën për rishqyrtim pranë AK-së me datë 02.06.2024, për të cilën AK me datë 06.06.2024 ka marrë vendim për refuzimin e kërkesës për rishqyrtim. Eksperti ka shqyrtuar pretendimet ankimore të paraqitura që lidhen me shkeljen e dispozitave të LPP dhe RrPP. Ndërsa pretendimet ankimore në lidhje me konfliktin e interesit janë jashtë autorizimeve të Ekspertit dhe për këtë çështje në vendimin e Panelit Shqyrtues të OSHP-së 2023/0994 është udhëzuar OE ankues që çështjen ta adresojë në institucionet tjera kompetente.

Pretendimi ankimor 1

OE ankues pretendon se AK ka vepruar në kundërshtim me Nenin 59 të LPP-së duke rekomanduar OE i cili është i papërgjegjshëm pasi që ka dështuar të përmbushë kërkesën e dosjes së tenderit lidhur me Aparaturë për diagnostifikim kompjuterik dhe CD (katalogun /programin) për pjesë rezeve.

Rrethanat e çështjes lidhur me pretendimin ankimor 1

AK, në dosjen e tenderit, tek Aneksi 1 Specifikimet teknike të detyrueshme, pas tabelës me specifikimet e produkteve, ka vendosur kërkesën "2. Kompania fituese është e obliguar që në momentin e nënshkrimit të kontratës të na furnizon me : "Aparatur për diagnostifikim kompjuterik dhe CD (katalogun /programin) për pjesë rezevë" për modelin e autobusëve ne fjalë. Pajisja e kërkuar mund të jetë edhe një Llaptop ku është i instaluar programi aktual , nuk kemi kerjuar përditësim të mëvonshëm të programit (kjo mund te behet ne baza vullnetare)"

OE i rekomanduar për kontratë në ofertë ka dorëzuar në lidhje me këtë kërkesë ka dorëzuar dokumentin "Deklaratë për aparaturë" në të cilën shënohet: "Npsh Allmakes Global Services deklaron se nese kompaniajone eshte fituese ne momentin e nenshkrimit te kontrates dote furnizon me : "Aparatur per diagnostifikim kompjuterik dhe CD (katalogun /programin) per pjese rezeve" per modelin e autobuseve ne fjale. Pajisja e kerkuar dote jete Llaptop ku eshte i

instaluar programi ose diagnoze kompjuterike adekuate per modelin e ofruar .” Gjithashtu është dorëzuar edhe dokumenti i emërtuar “Deklaratë për trajnimin e mekanikëve” në të cilin shënohet: “Npsh Allmakes Global Services deklararon se nese kompaniajone shpreblehet me kontrate per _projektin ne fjale dote beje trajnimin e se paku dy mekanikeve te AK Policia e Kosoves”

AK me datë 02.05.2024 përmes platformës eprokurimi ka kërkuar sqarime nga OE i rekomanduar si vijon: “Ne dosjen e tenderit Aneksi I janë të paraqitura kushtet si: 2. Kompania fituese është e obliguar që në momentin e nënshkrimit të kontratës të na furnizon me : "Aparaturë për diagnostikim kompjuterik dhe CD (katalogun /programin) për pjesë rezeve" për modelin e autobusëve ne fjalë. Pajisja e kërkuar mund të jetë edhe një Llaptop ku është i instaluar programi aktual, nuk kemi kërkuar përditësim të mëvonshëm të programit (kjo mund te behet ne baza vullnetare). 3.Kompania fituese është e obliguar që të bëjë trajnimin e së paku dy mekanikëve të autoritetit kontraktues. Obligative. Ju lutemi te na e dërgoni një deklaratë lidhur me kushtet si dhe te na ofroni sqarime se si do ta realizoni pikat si me lartë? Andaj bazuar ne nenin 59 dhe 72 të LPP kërkoj nga ana juaj që të na dëshmoni sipas kërkesave të mësipërme. Përgjigjen e juaj sqaruese duhet ta ngarkoni në E-prokurim më së largu brenda 5 ditë deri në ora 16:00.”

OE i rekomanduar për kontratë, me datë 06.05.2024 kishte dërguar dokumentet sqaruese. Deklaratën me sqarime në të cilën shkruan: “Sqarimi nga Npsh Allmakes Global Services si me poshte : Lidhur me sqarimin e kerkuar te dates 02.05.2024 Npsh AGS jep sqarim se per keresat e larte shenuar ne me rastin e dorezimit te ofertave me daten 19.10.2023 ne sis item in E-prokurim kemi dorzuar edhe Deklaraten per Aparaturen e autobusave si dhe deklaraten per trajnimin e mekanikeve te AK Policia e Kosoves. Andaj ne deklarojm dhe qendryme mbrapa deklaratave tona si me poshtë: 2. Npsh Allmakes Global Services deklararon se nese kompania jone eshte fituese ne momentin e nenshkrimit te kontrates dote furnizoje me : "Aparature per diagnostifikim kompjuterik dhe CD(katalogun/programin)per pjese rezerve" per modelin e autobuseve ne fjale. Pajisja e kërkuar do te jete Llaptop ku është i instaluar programi ose diagnoze kompjuterike adekuate për modelin e ofruar. 3. Npsh Allmakes Global Services deklararon se nëse kompania jone shpërblehet me kontrate për projektin ne fjale do te beje trajnimin e se paku dy mekanikeve te AK-Policia e Kosovës. Te bashkangjitur i keni edhe deklaratat te cilat janë dorëzuar me datën 19.10.2023.”. Dokumentit të sqarimeve i janë bashkangjitur edhe deklaratat të dorëzuara me ofertë për aparaturë dhe trajnim.

Mendimi i ekspertit lidhur me pretendimin ankimor 1

Eksperti sqaron se kërkesat e vendosura nga AK në dosjen e tenderit në mënyrën se si janë formuluar janë kërkesa të ekzekutimit me të cilat vihen në dijeni OE-të se në këtë aktivitet në momentin e nënshkrimit të kontratës OE i shpërblyer me kontratë të sjellë pajisjen për diagnostikim kompjuterik dhe CD (katalogun /programin) për pjesë rezervë si dhe të bëjë trajnimin e së paku dy mekanikëve të autoritetit kontraktues. Në këtë pikë AK nuk ka paraqitur ndonjë specifikim të veçantë si dhe nuk ka precizuar dëshmi për vlerësim. Andaj, deklaratat e OE të rekomanduar për kontratë janë dëshmi që e sigurojnë AK se OE zotohet që do ti kryej furnizimin dhe shërbimin e trajnimit. Eksperti vlerëson se konform nenit 56.3 të LPP, asnjë operator ekonomik nuk mund të eliminohet për ndonjë kërkesë e cila nuk është e vendosur në Dosje të Tenderit dhe Njoftimit për Kontratë, andaj AK ka vepruar në përputhje me nenin 59 të LPP-së. Rrjedhimisht pretendimi ankimor është i pabazuar në këtë pikë.

Pretendimi ankimor 2

OE ankues pretendon se AK ka vepruar në kundërshtim me Nenin 59 të LPP-së kur ka konstatuar se OE ankues është i papërgjegjshëm. Përkatësisht OE ankues pretendon se nuk qëndrojnë arsyet e eliminimit të precizuara nga AK në letrën standarde për tenderuesin e eliminuar.

Rrethanat e çështjes lidhur me pretendimin ankimor 2

AK me datë 29.05.2024 ka publikuar njoftimin mbi vendimin e AK-së në të cilin rekomandohet për kontratë OE "Ideal Shala B.I.". Krahës vendimit është dërguar (publikuar) letra standarde për tenderuesin e eliminuar për OE ankues, në të cilën AK ka dhënë arsyetimin si vijon: "*Grup i Operatorëve Ekonomik Prishtina Auto L.L.C.; D & T Group SH.P.K. ka dështuar në plotësimin e specifikacioneve teknike pasi që me datë me sqarime të datës 07 nëntor 2023 ka bërë ndryshim material në disa nga specifikacionet e autobusit si: 1. Sipas Aneksit të DT Lloji I ngjyresë : E bardhë/ ngjyra e hirit metalike – ekuivalente me ngjyrën e hirit metalike që posedojnë veturat patrulluese. Në ofertën e dërguar të datës 19.10.2023 në specifikacione e ka cekur që është E bardhë/ ngjyra e hirit metalike por me sqarimet e datës 7 nëntor 2023 përmend vetëm që është e bardhë. 2. Në ofertën e datës 19.10.2023 ka ofruar dimensionet e autobusit LxWxH 13340X2550X3700mm. Ndërsa me sqarimet e datës 07 nëntor 2023 ka ofruar dimensionet :12340 X 2550 X3700mm me arsyetimin që është bërë gabim teknik nga prodhuesi ku edhe sjelle një deklaratë. Do të thotë ka ndryshim material i cili përcjellët me ndryshime të tjera.*

Specifikacionet e ofruara nga OE të datës 19.10.2023

Overall Dimension	LxWxH: 13340 × 2550 x 3700 mm
-------------------	-------------------------------

Sqarimet e datës 7 nëntor 2023

3. Please Note: In the last Annex 1 document Line 6, there was an error typing 13340. Instead of this, it must be 12340.

8. Pozicioni 13Sipas Aneksit të DT

Modelit I ndërruesit: manual ose automatik(3 vite garancinë)

OE me ofertën e datës 19.10.2023 ka ofruar ZF 6 ndërrues automatik të shpejtësish

Transmission	ZF 6 gears automatic
--------------	----------------------

Transmission	Automatic shift gear
--------------	----------------------

Me date 19.10.2023 OE nuk e ceke fare ZF 6

9. Pozicioni 19.

Ne Aneksin I Sistemi I drejtimit : Servo Hidraulik

OE ne ofertën e datës 19.10.2023 ka ofruar

Steering system	Bosch Power steering
-----------------	----------------------

Do te thotë qe ka ofruar Timon me energji elektrike

Ndërsa me date 07.11.2023 OE ka ofruar

Hydraulic system	Servo Hydraulic system fitted
------------------	-------------------------------

Qe do te thot ka ofruar Servo Hidraulik

10. Pozicioni 15-16 i kërkuar ne Aneksin I te specifikave teknike te detyrueshme te DT si me poshtë

15.Sistemi I amortizimit për aksin e parë duhet të jetë me amortizator, dhe jastëk me ajër.

16.Sistemi I amortizimit për aksin e pasme duhet të jetë me amortizator, dhe jastëk me ajër.

Ndërsa ne ofertën e dorëzuar me date 19.10.2023 OE ka ofruar si me poshtë

Suspension	Air suspension for all axles
------------	------------------------------

Ndërsa ne kërkesën për sqarime shtese te kërkuar me date 07.11.2023 OE ka ofruar si me poshtë

Front axle damping system shock absorber and airbags	Fitted
Rear axle damping system shock absorber and airbags	Fitted

Në katalogun e dërguar te dates 07.11.2023 nuk deshmon qe sistemi i amortizimit duhet te jete me amortizator por vetem me ajer behet pezullimi andaj OE nuk e ploteson kete specifikacionet teknike te kerkuara ne Aneksin I.

2. Pozicioni 17. Aneksi I Sistemi I frenimit: min ABS

Me date 19.10.2023 OE ka sjelle

Brake system

Full disk brake with Wabco EBS

Ndërsa me date 07.11.2023 OE ka ofruar

ABS / Anti-lock braking systems	Fitted
---------------------------------	--------

OE e prezanton si ABS e inkorporuar dhe bene ndryshimin nga EBS ne ABS

2. Pozicioni 20

Pajisjet standarde minimale; Xhamat e dyfishtë, perdet , fellne standarte, mbrojtëset nga dielli para, ulësja ndihmëse, radio CD, mikrofonin për informimin e pasagjerëve, drita për mjegull, tepihat e dyshemesë, paranxemje (vebstator),

Me date 19.10.2023 OE ka sjelle

Heat system	Passenger heat system with 4 Radiators
-------------	--

Do te thotë qe ne ofertën e tij ka ofruar mundësi te nxehjes me radiator po jo te paranxemjes ashtu siç është kërkuar ne Aneksin 1 specifikacionet teknike te detyrueshme ne kërkuara ne dosjen e tenderit.

Ndërsa me date 07.11.2023 OE ka ofruar

Pre-Heater	Fitted
------------	--------

Qe do te thotë sistemi i paranxemjes i inkorporuar

2. Pozicioni 21

Ne Aneksin 1 Autobusi duhet të jetë Turistik me Klimatizim

Me date 19.10.2023 OE ka sjelle

A/C	Sutruck AC
-----	------------

Ndërsa me date 07.11.2023 OE ka ofruar

Air-Condition	Fitted
---------------	--------

Andaj grupi i OE konsiderohet i papërgjegjshëm pasi qe nuk i plotëson specifikacionet teknike te kërkuara ne dosjen e tenderit Aneksi 1 si dhe ka bere ndryshime materiale

konforme nenint 59.2 dhe refuzohet oferta si e pa përgjegjshme. Sipas nenit 59 pika 2 te LPP-se, Autoriteti kontraktues mundet që me shkrim të kërkojë nga një tenderues që të sigurojë një sqarim me shkrim mbi cilindo nga aspektet e tenderit të tij, në mënyrë që të bëhet ekzaminimi, vlerësimi ose krahasimi i tenderëve. Asnjë ndryshim material dhe asnjë aspekt i tenderit nuk duhet të kërkojen ose pranohen nga autoriteti kontraktues ose të ofrohen nga një tenderues. Andaj oferta juaj refuzohet pasi që kemi ndryshim material"

AK në dosjen e tenderit, tek kërkesat për kapacitetin teknik dhe profesional, ndër të tjera ka përcaktuar kërkesën me numër rendor 1: *"Katalog nga prodhuesi me përshkrim të detajuar te karakteristikave teknike, me të cilën është e mundur vlerësimi i specifikacioneve teknike ofruara. Dëshmia dokumentare e kërkuar është përcaktuar: "Dëshmia 1. Katalog nga prodhuesi."*

Më tej në Aneksin 1 – Specifikimet teknike të detyrueshme janë përcaktuar 21 specifikime teknike.

OE ankues në ofertën e dorëzuar, ka dorëzuar dokumentin "Katalogu nga Prodhuesi". Në dokument prezantohet informacioni i prodhuesit "XIAMEN GOLDEN DRAGON BUS CO., LTD" Xiamen, China, me titull "SPECIFICATION", për modelin "Model Triumph serial XML6121J tourism version".

Poashtu OE ankues ka dorëzuar edhe dokumentin me emërtimin "Specifikacioni teknik" në të cilin janë paraqitur specifikimet teknike dhe dokumenti është nënshkruar dhe vulosur nga OE.

Me datë 03.11.2023, AK përmes e-prokurimit kishte dërguar OE ankues letrën standarde të kërkesës për sqarimin e tenderit, në të cilin ndër të tjera kishte kërkuar *"Ne dosjen e tenderit dhe njoftimit për kontrate është kërkuar kriteri; Kërkesa 1 - Katalog nga prodhuesi me përshkrim te detajuar te karakteristikave teknike, me të cilën është e mundur vlerësimi i specifikacioneve teknike ofruara. Dëshmia 1. Katalog nga prodhuesi. Ju keni dorëzuar broshure ju lutem na dërgoni katalogun te hijezuar-nënvizuar sipas specifikave te kërkuar ne aneksin I."*

OE ankues me datë 08.11.2023 ka ngarkuar skedarin (fajllin) me emërtimin "Dokumentacioni shtese" në të cilin janë dërguar 5 dokumente.

Dokumenti me emërtimin " Annex 1 - Final Version" në të cilin është plotësuar tabela e aneksit 1 të dosjes së tenderit, e cila është e njëjtë me dokumentin "Specifikacioni teknik" të dorëzuar me ofertë, përveç në pozicionin 6, ku gjatësia shënon të jetë 12340 mm, për dallim nga dokumenti i dorëzuar me ofertë në të cilin shënohet gjatësia prej 13340 mm.

Dokument tjetër i dorëzuar është dokumenti "Deklaratë nga Prodhuesi", në të cilin prodhuesi deklaron ndër të tjera si vijon: *"3. Please Note: In the last Annex 1 document Line 6, there was an error typing 13340. Instead of this, it must be 12340. Please find attached the corrected and Final Annex 1 version."* (shqip: *"3.Ju lutemi vini re: Në dokumentin e fundit të Shtojcës 1, rreshti 6, kishte një gabim duke shkruar 13340. Në vend të kësaj, duhet të jetë 12340. Ju lutemi gjeni bashkangjitur versionin e korrigjuar dhe përfundimtar të Aneksit I"*).

Dokumenti tjetër i dorëzuar është katalogu me emërtimin "New Triumph Series Updated Version EURO VI" i prodhuesit Golden Dragon, Trump Luxury Bus Series, Në këtë dokument janë paraqitur imazhet e dy modeleve, ku është kufizuar me ngjyrë të verdhë njëri

nga dy modelet (kufizimi është bërë nga përdoruesi k.gërguri@landrover-ks.com me datë 08.11.2023). Në "metadatat" e dokumentit shënohet se dokumenti është krijuar me datë 08.03.2019 ndërsa është modifikuar me datë 08.11.2023.

Pas këtyre sqarimeve, AK me datë 22.11.2024, ka publikuar njoftimin mbi vendimin e AK-së dhe letrat standarde, ku OE ankues ishte vlerësuar si i papërgjegjshëm.

I pakënaqur me vendimin e AK-së, OE ankues me datë 27.11.2023 kishte dorëzuar kërkesën për rishqyrtim në AK, përderisa AK me datë 01.12.2024 ka marrë vendim për refuzimin e kërkesës për rishqyrtim.

OE ankues me datë 10.12.2023 kishte dorëzuar ankesë në OSHP, e regjistruar me numër të ankesës 10.12.2023.

OSHP me datë 17.04.2024 ka nxjerrë vendim përmes të cilit e aprovon pjesërisht ankesën e OE ankues.

Pas vendimit të OSHP-së, AK me datë 02.05.2024, përmes emailit kishte kërkuar informacione shtesë nga prodhuesi, përkatësisht kishte kërkuar katalogun e prodhuesit (jo broshurë) të modelit të autobusit XML6121J.

Prodhuesi me datë 07.05.2024 përmes emailit kishte dërguar 5 dokumente. Të njëjtat të cilat i kishte dërguar OE ankues me sqarimet e datës 08.11.2023, si dhe dy dokumente tjera. Dokumentin "Manufacturer Declaration 02" i datës 07.05.2024 ku shënohet: "*Ne, Golden Dragon Bus si Prodhues konfirmojmë se dokumentet e mëposhtme që keni kërkuar janë të VLEFSHME dhe ne mbështesim plotësisht Policinë e Kosovës përmes distributorit tonë FroHan ApS lidhur me këtë aktivitet të prokurimit. Ju lutemi gjeni bashkëngjitur dokumentet dhe me këtë ne konfirmojmë se autobusët do të prodhohen dhe furnizohen sipas Aneksit 1. SPECIFIKIMET TEKNIKE TË DETYRUARA. Doc 1: Seria e re e Triumf Versioni i përditësuar EURO VI.pdf, Doc 2: Konfirmimi i prodhuesit.pdf, Doc 3: Shtojca 1 - SPECIFIKIMET TEKNIKE TË DETYRUARA, Doc 4: Letër sqaruese.pdf.*" Gjithashtu prodhuesi kishte bashkëngjitur dokumentin "Claridication Letter" në të cilin shënohet: "*Ne XIAMEN GOLDEN DRAGON BUS CO., LTD, të cilët janë zyrtarë prodhuesi i autobusit turistik të ofruar për projektin: Numri i Prokurimit: 214-23-10050-1-1-1, Titulli i prokurimit: FURNIZIM ME AUTOBUS PER POLICIN E KOSOVES-RITENDER. Ne konfirmojmë se versionin turistik të modelit XML6121 është me certifikatë miratimi të tipit të automjetit të plotë (WVTA) dhe do të bëhet sipas standardit evropian. Numri WVTA është: E4*2007/46*0121*15.*".

Mendimi i ekspertit lidhur me pretendimin ankimor 2

Eksperti sqaron se bazuar në kërkesën e dosjes së tenderit, OE duhej të dorëzonin katalogun nga prodhuesi për modelin e ofertuar me përshkrim të detajuar të karakteristikave teknike, me të cilën është e mundur vlerësimi i përmbushjes së specifikacioneve teknike. Katalogu i dorëzuar me ofertë nga OE ankues nuk përmbante të gjitha informatat për të vlerësuar përmbushjes e specifikimeve teknike të kërkuara në dosjen e tenderit. Krahas kësaj OE ankues nuk kishte shënuar të dhënat për specifikimet e ofertuara krahas specifikimit të kërkuara ashtu sikurse ishte kërkuar në tabelën e specifikimeve në aneksin 1 të dosjes së tenderit.

Katalogu i dërguar me sqarime nga OE ankues dhe prodhuesi nuk paraqesin të njëjtin informacion sikurse katalogu i dorëzuar me ofertë. Duke filluar nga dimensionet ku është konfirmuar nga prodhuesi, modeli i autobusit të cilin OE dhe prodhuesi përmes sqarimeve e prezantojnë si modeli që do të prodhohet dhe liferohet është me i shkurtër 1,000mm (100cm apo 1metër) se modeli i prezantuar me ofertë.

Tutje, në lidhje me sistemin e frenimit, në dosjen e tenderit është kërkuar "*Sistemi i frenimit: min ABS*". Në katalogun e dorëzuar me ofertë, tek sistemi i frenimit shënohet se modeli i ofertuar ka sistemin "*full disk brake with Wabco EBS*" ndërsa tek katalogu i dorëzuar me sqarime shënohet se sistemi i frenimit është "*ABS/anti brake locking system – Fitted*". Eksperti në lidhje me këto dy sisteme të frenimit sqaron se ABS (Anti-lock Braking System) dhe EBS (Electronic Braking System) janë sisteme frenimi që përmirësojnë sigurinë dhe performancën e automjeteve. ABS, parandalon bllokimin e rrotave gjatë frenimit të fortë për të ruajtur drejtimin dhe kontrollin e automjetit. Në anën tjetër, EBS menaxhon frenimin në mënyrë elektronike, duke optimizuar shpërndarjen e forcës së frenimit dhe koordinuar me sisteme të tjera të sigurisë si ABS, ASR dhe ESP. Pra edhe në këtë rast OE kishte ndryshuar specifikimin e sistemit të frenimit nga "*Wabco EBS*" i prezantuar në katalogun me ofertë në "*ABS*" sipas katalogut të dërguar me sqarime.

Një element tjetër është edhe sistemi i drejtimit, ku në dosjen e tenderit ishte kërkuar "*Sistemi i drejtimit: Servo Hidraulik*". Në katalogun e dorëzuar me ofertë shënohet se sistemi i drejtimit është "*Bosch Power steering*", ndërsa në katalogun e dorëzuar me sqarime shënohet "*Servo Hydraulic system-Fitted*". Dy sistemet dallojnë në mekanizmin, komponentët dhe mënyrën e funksionimit. Pra, edhe në këtë kishte ndryshuar specifikimi teknik nga "*Bosch Power steering*", në "*Servo Hydraulic system*".

Tjetër, tek sistemi i amortizimit në dosje të tenderit është kërkuar "*Sistemi i amortizimit për aksin e parë duhet të jetë me amortizator, dhe jastak me ajër. Sistemi i amortizimit për aksin e pasëm duhet të jetë me amortizator, dhe jastak me ajër.*". Në katalogun e dorëzuar me ofertë shënohet: "*air suspension for all axles*" ndërsa në katalogun e dorëzuar me sqarime janë "*Front axle damping system shock absorber and airbags. Rear axle damping system shock absorber and airbags*". Eksperti sqaron se sistemi i ajrit për të gjitha akset përdor ajrin për të mbështetur ngarkesën, ndërsa sistemi i amortizatorëve të aksit dhe ajrit kombinon amortizatorët dhe ajrin për të përmirësuar për të menaxhuar ngarkesën në autobusë. Pra, edhe në këtë rast kishte ndryshuar specifikimi teknik i dërguar me ofertë nga ai i prezantuar në sqarime.

Krahas ndryshimeve të sipërpërmendura, është evidente se modeli i ofertuar nuk është i njëjtë me modelin e dërguar me sqarime i cili sipas OE dhe prodhuesit do të prodhohet dhe liferohet. Ndryshimet janë lehtësisht të dallueshme nëse krahasohen imazhet e autobusit nga të dy katalogët. Për me tepër edhe në katalogun e dorëzuar me sqarime ka dallime të autobusit të shënuar (përcaktuar me drejtkëndësh me ngjyrë të verdhë në faqe 2 dhe 3) me autobusin e paraqitur në faqen 6. Në të dy anët e autobusit dallojnë numri i hapësirave për bagazh, në anën e majtë të autobusit, modeli i dorëzuar me ofertë dhe autobusit në faqe 6 të katalogut të dërguar me sqarime, në mes të dy rrotave ka një derë për bagazh, kurse modeli i prezantuar me sqarime në faqen 1, 2 dhe 3, ka 3 dyer rrjedhimisht 3 hapësira për bagazh.

Poashtu në të dy anët modeli i dorëzuar me ofertë dhe autobusit në faqe 6 të katalogut të dërguar me sqarime pas pjesës së dizajnit në formë harku deri në fund të autobusit ka 6 dritare, kurse modeli i autobusi i prezantuar me sqarime në faqen 1, 2 dhe 3 ka 7 dritare.

Më tej, në pjesën e djathtë, tek modeli i dorëzuar me ofertë dhe autobusit në faqe 6 të katalogut të dërguar me sqarime dera e autobusit është e vendosur pas rrotës së pasme. Ndërsa tek autobusi i prezantuar me sqarime (i kufizuar me të verdhë) në faqen 1, 2 dhe 3 dera është e vendosur në mes të

dy rrotave.

Si përfundim, Eksperti sqaron se OE ankues në ofertën e tij ka dorëzuar katalogun i cili nuk dëshmon përmbushjen e kërkesave të dosjes së tenderit. Më tej, ashtu sikurse është sqaruar mësipër, në katalogun e dorëzuar me sqarime ka dallime të specifikimeve teknike në raport me katalogun e dorëzuar me ofertë, gjë që ky veprim është në kundërshtim me paragrafin 2 të nenit 59 të LPP-së, andaj pretendimi ankimor është i pabazuar.

REKOMANDIMI I EKSPERTIT SHQYRTUES

Duke u bazuar në sqarimet e lartpërmendura, eksperti i propozon panelit shqyrtues që ankesa e OE ankues refuzohet si e pabazuar dhe të mbetet në fuqi vendimi i AK.

Raporti i ekspertit shqyrtues, lidhur me ankesën e parashtruar nga OE " " **Prishtina Auto " L.L.C.**", lidhur me aktivitetin e prokurimit "FURNIZIM ME AUTOBUSA PËR POLICINË E KOSOVËS -Ritender 1" me numër të prokurimit: "214-23-10050-1-1-1, të iniciuar nga Autoriteti Kontraktues (AK) – **POLICIA E KOSOVËS**

Raporti i ekspertizës ti dorëzohet:

- Autoritetit Kontraktues – **POLICIA E KOSOVËS**
- Panelit Shqyrtues – **OSHP**
- OE ankues – **" Prishtina Auto " L.L.C.**



Kreshnik Spahiu